



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-147-6/22**
Datum: **29.08.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu JP ELEKTROPRIVREDA BiH d.d. Sarajevo Podružnica Elektrodistribucija Bihać za izdavanje vodne saglasnosti za izgradnju podzemnog električnog energetskog voda niskonaponske mreže u vodnom dobru i preko vodotoka rijeke Une, na lokaciji Malih ada u Bosanskoj Krupi, na osnovu člana 121. stav 3. Zakona o vodama („Službene novine Federacije BiH“, broj 70/06) i člana 67. stav 2. Zakona o upravnom postupku („Službene novine Federacije BiH“, broj 2/98, 48/99 i 61/22), donosi

ZAKLJUČAK

Odbacuje se zahtjev JP ELEKTROPRIVREDA BiH d.d. Sarajevo Podružnica Elektrodistribucija Bihać, za donošenje Rješenja o vodnoj saglasnosti za izgradnju podzemnog električnog energetskog voda niskonaponske mreže u vodnom dobru i preko vodotoka rijeke Une, predviđenog za gradnju na lokaciji Malih ada, područje Grada Bosanska Krupa, zbog nepotpunosti dokumentacije i smatra se kao da nije niti podnesen.

O b r a z l o ž e n j e

JP ELEKTROPRIVREDA BiH d.d. Sarajevo Podružnica Elektrodistribucija Bihać obratio se ovoj Agenciji dana 18.03.2022. godine, sa zahtjevom za izdavanje vodne saglasnosti za izgradnju podzemnog električnog energetskog voda niskonaponske mreže u vodnom dobru i preko vodotoka rijeke Une, predviđenog za gradnju na lokaciji Malih ada, područje Grada Bosanska Krupa.

U provedenom postupku, uz zahtjev za izdavanje vodne saglasnosti, broj: 03-2-226-9024-1/2022 od 18.03.2022. godine, zaprimljen dana 22.03.2022. godine, dostavljena je i pregledana slijedeća dokumentacija:

- Kopija rješenja, kojim se daje urbanistička saglasnost JP „Elektroprivreda BiH“ d.d. Sarajevo, Podružnica Elektrodistribucija Bihać za izgradnju podzemne niskonaponske mreže „Kozara“ Bosanskoj Krupi po trasi pokazanoj u Idejnom projektu broj: 131-06-20 izrađenom od strane JP Elektroprivreda BiH d.d. Sarajevo, Podružnica Elektrodistribucija Bihać, preko zemljišta opisanog kao k.č. br. 7-54/9 iz pl. 732 u posjedu Opštenarodna imovina, k.č. 35-18/1 iz pl. 5140 u posjedu Federacija BiH, k.č. 35-18/2 i 35-18/3 iz pl. 4174 u posjedu Općine Bosanska Krupa sve k.č. u k.o. Bosanska Krupa; izdano od strane JOOU Bosanska Krupa pod brojem: UP-I-04-19-1-1454/20, dana 12.08.2021. godine, u Bosanskoj Krupi,
 - Urbanističko-tehnički uslovi propisani od strane Komisije za određivanje minimuma urbanističko-tehničkih uslova, ovjereni od strane JOOU Bosanska Krupa pod brojem: UP-I-04-19-1-1454/20, dana 11.08.2021. godine, u Bosanskoj Krupi,
 - Situacija izgradnje podzemne niskonaponske mreže urađena od strane Komisije za određivanje minimuma urbanističko-tehničkih uslova, ovjereni od strane JOOU Bosanska Krupa pod brojem: UP-I-04-19-1-1454/20, dana 11.08.2021. godine, u Bosanskoj Krupi,
 - Kopija rješenja o prethodnoj vodnoj saglasnosti, kojim se daje prethodna vodna saglasnost JP „ELEKTROPRIVREDA BiH“ d.d. Sarajevo, Podružnica Elektrodistribucija Bihać, u postupku izdavanja rješenja o urbanističkoj saglasnosti/lokacijskoj informaciji, za izgradnju podzemnog električnog energetskog voda niskonaponske mreže u vodnom dobru i iznad vodotoka rijeke Une, na prostoru Malih ada, područje općine Bosanska Krupa; izdano od strane Agencije za vodno područje rijeke Save Sarajevo pod brojem: UP-I/25-1-40-143-8/21, dana 01.07.2021. godine,
 - Kopija Komunalne saglasnosti u svrhu izdavanja urbanističke saglasnosti za potrebe izgradnje poslovnog objekta Općine Bosanska Krupa u Bosanskoj Krupi, a prema podacima iz Idejnog projekta br. 131-06/20, naziva: Izgradnja podzemne niskonaponske mreže „Kozara“, priključak poslovnog objekta Općine Bosanska Krupa, lokacija Patriotske lige; izdan od strane JP

ELEKTROPRIVREDA BIH, Podružnica „Elektrodistribucija Bihać“; izdana od strane JKP „10. JULI“ d.o.o. Bosanska Krupa pod brojem 2571/21, dana 16.04.2021. godine,

- Situacioni prikaz položaja podzemnih instalacija – vodovod za predmetnu lokaciju u Bosanskoj Krupi,
- Kopija saglasnosti za izgradnju podzemne niskonaponske mreže „KOZARA“, lokacija Ulica patriotske lige, Općina Bosanska Krupa, prema situaciji dostavljenoj u prilogu zahtjeva; izdana od strane BH Telecom d.d. Sarajevo pod brojem 11.5.1-160-35640/21-2200, dana 13.04.2021. godine, u Bihaću,
- Kopija stručnog mišljenja za izdavanje urbanističke saglasnosti za izgradnju niskonaponske mreže Kozara, na zahtjev Investitora JP Elektroprivreda BiH d.d. Sarajevo, podružnica „Elektrodistribucija“ Bihać; izdano od strane Instituta za građevinarstvo „IG“ Banjaluka pod brojem: IZ-IGBL-IN-UTU-1260/21, dana 30.07.2021. godine,
 - Kopija Položajne skice, Prilog br. 1, od jula 2021. godine,
 - Izvod iz izmjena i dopuna prostornog plana Općine Bosanska Krupa 2007. do 2027. godine – Sintezni prikaz korištenje poslovnih prostora (prednacrt plana), Prilog br. 2 od jula 2021. godine,
- Elaborat katastarske obrade trase – Objekat izgradnja niskonaponske mreže „Kozara“ – priključenje objekta općine Bosanska Krupa; urađen od strane geodete Asmira Keranovića dana 08.06.2021. godine,
- Kopija rješenja o prethodnoj vodnoj saglasnosti, kojim se daje prethodna vodna saglasnost JP „ELEKTROPRIVREDA BiH“ d.d. Sarajevo, Podružnica Elektrodistribucija Bihać, u postupku izdavanja rješenja o urbanističkoj saglasnosti/lokacijskoj informaciji, za izgradnju podzemnog električnog energetskog voda niskonaponske mreže u vodnom dobru i iznad vodotoka rijeke Une, na prostoru Malih ada, područje općine Bosanska Krupa; izdano od strane Agencije za vodno područje rijeke Save Sarajevo pod brojem: UP-I/25-1-40-143-8/21, dana 01.07.2021. godine,
- Kopija elektronskog naloga plaćanje upravne pristojbe,

Nakon uvida u dostavljenu dokumentaciju ova Agencija je obavijestila podnosioca zahtjeva službenim putem, dana 15.04.2022. godine, da je predmetni zahtjev nepotpun te da podnosilac zahtjeva treba da u roku od 30 (trideset) dana, od dana prijema obavijesti, dopuni podnesak zahtjeva sa:

- Ovjerena kopija rješenja o upisu u sudski registar i identifikacijski broj,
- Kopija rješenja nadležnog organa o odobrenju za obavljanje djelatnosti koja je predmet postupka izdavanja vodne saglasnosti,
- Investiciono - tehnička dokumentacija, izrađena od strane ovlaštenog pravnog lica koje ispunjava uslove i kriterije (lista „A“), u skladu sa uslovima iz prethodne vodne saglasnosti, propisima o vodama i planskim dokumentima (u printanom i elektronskom obliku),
- Kopiju rješenja o urbanističkoj saglasnosti za objekat koji se planira priključiti na elektroenergetski sistem napajanja električnom energijom,
- Kopiju ugovora o ograničenom korišćenju javnog vodnog dobra za predmetni poslovni objekt.

Dana 19.05.2022. godine podnosilac zahtjeva se obratio molbom za produženjem roka za dopunu podneska zahtjeva po obavijesti broj: UP-1/21-2-40-147-2/22 od 15.04.2022. godine. Priložen je zahtjev prema Službi za prostorno uređenje, imovinsko-pravne i geodetske poslove Grada Bosanska Krupa, kojim se traži slijedeća dokumentacija:

- Kopija rješenja o urbanističkoj saglasnosti za objekat koji se planira priključiti na elektroenergetski sistem napajanja električnom energijom, koje pribavlja Grad Bosanska Krupa,
- Kopija ugovora o ograničenom korištenju javnog vodnog dobra za predmetni poslovni objekt, koji treba da zaključi Grad Bosanska Krupa sa Agencijom za vodno područje rijeke Save.

Dana 23.05.2022. godine podnosilac zahtjeva je izvršio dopunu podneska zahtjeva slijedećom dokumentacijom:

- Glavni projekt za pribavljanje konačne vodne saglasnosti za izgradnju podzemne niskonaponske mreže „KOZARA“, priključak poslovnog objekta Općine Bosanska Krupa, Patriotske lige, Bosanska Krupa; urađen od strane URBIS CENTRA d.o.o. Banjaluka pod brojem: 963-P/2021, jula 2021. god. (2x),
- Izvještaj o izvršenoj kontroli tehničke dokumentacije; urađen od strane HKP Consulting d.o.o. Banjaluka pod brojem 501/21 od 03.08.2021. godine.

Dana 13.06.2022. godine podnosilac zahtjeva je pismenim putem obavješten da je izvršenim uvidom u dostavljenu projektnu dokumentaciju konstatirano da ista nije urađena u skladu sa izdanim rješenjem o prethodnoj vodnoj saglasnosti te da je istu potrebno uskladiti sa istim, na način:

- Priključna instalacija za poslovni objekt mora biti locirana minimalno 1 metar iznad linije dopiranja velikih voda ranga pojave 1/100 godina.

- Dati situativni prikaz predmetne trase električnog energetskog voda niskonaponske mreže sa lokacijom poslovnog objekta koji se planira priključiti na elektroenergetski sistem napajanja električnom energijom. Na situaciji dati prikaz linije vodnog dobra rijeke Une te linije dopiranje velikih voda ranga pojave 1/100 godina rijeke Une.
- Dati osnovne podatke o poslovnom objektu koji se planira napajati električnom energijom (lokacija, tlocrti, presjeci i izgledi) sa prikazom zaštite električne mreže od velikih voda rijeke Une.
- Namjena poslovnog objekta, za koji se vrši izgradnja električnog energetskog voda, obzirom da se radi o lokaciji u javnom vodom dobru, mora biti u skladu sa članom 4. Pravilnika o načinu i uslovima ograničenog prava korištenja javnog vodnog dobra („Službene novine Federacije BiH“, broj: 26/09).

Na osnovu naprijed navedenog konstatovano je da je predmetni zahtjev nepotpun u smislu člana 3. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine F BiH“ br. 31/15, 55/19 i 41/20), te je podnosilac zahtjeva pismenim putem obaviješten da isti dopuni u roku od **60 (šezdeset) dana**, od dana prijema obavijesti sa:

- Ovjerena kopija rješenja o upisu u sudski registar i identifikacijski broj,
- Kopija rješenja nadležnog organa o odobrenju za obavljanje djelatnosti koja je predmet postupka izdavanja vodne saglasnosti,
- Investiciono -tehnička dokumentacija, izrađena od strane ovlaštenog pravnog lica koje ispunjava uslove i kriterije (lista „A“), u skladu sa uslovima iz prethodne vodne saglasnosti, propisima o vodama i planskim dokumantima (u printanom i elektronskom obliku), korigirana prema naprijed navedenim uputama /dostavljena projekat dokumentacija uz obavijest o dopuni podneska zahtjeva vraćena podnosiocu zahtjeva/,
- Kopiju rješenja o urbanističkoj saglasnosti za objekat koji se planira priključiti na elektroenergetski sistem napajanja električnom energijom,
- Kopiju ugovora o ograničenom korišćenju javnog vodnog dobra za predmetni poslovni objekt.

Podnosilac zahtjeva je upozoren da ukoliko u predviđenom roku ne izvrši traženu dopunu podneska, zahtjev će mu biti odbačen zaključkom protiv kojeg je dopuštena posebna žalba, a sve u skladu sa članom 121. stav (3) Zakona o vodama.

Obzirom da podnosilac zahtjeva nije dopunio zahtjev u predviđenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama i člana 67. stav 2. Zakona o upravnom postupku rješeno kao u dispozitivu ovog zaključka.

Uputa o pravnom lijeku:


Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, u roku od 15 (petnaest) dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


[Signature]
Haris Ališehović, dipl. inž. građ.

Dostaviti:

- JP ELEKTROPRIVREDA BIH d.d. Sarajevo, Podružnica Elektrodistribucija Bihać, Bosanska 25, 77 000 Bihać
- AVP Sava – ISV – Vodna knjiga
- Sektor 40 - arhiva
- oglasna ploča AVP Sava